



UNIVERSITÄTS-  
BIBLIOTHEK  
PADERBORN

# **De Vita Et Rebus Gestis Christophori Bernardi Episcopi Et Principis Monasteriensis Decas**

**Alpen, Johann von**

**Coesfeldiae, 1694**

71. Civitas Principi se dedit. Deditionis capita.

---

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)



tate. Quorum antè adventum, *Christophorus Bernardus* negotium Monasteriense perfectum volebat. Dies erat quartâ decima Februarij, quâ Princeps cum magnifico comitatu *Coesfeldiâ* egressus in via obvius perhonorificè excepit. Horâ & paulò ante Civitatis Delegati jussi postremùm in Ur- *A Prin-*  
*berem* redire, *Coesfeldiam* reliquerant; jamq; cipe ex-  
 conscenso montis jugo, qui *Baembergus* cepta.  
 dicitur, auditâ, quando *Cæsarei Ludgeri-*  
*burgum* ingrediebantur, tormentorum laxa-  
 tione, ducentes Prætorianos, quid id signi-  
 sit, è rhedâ rogant. In proximo fuisse, ajunt,  
 Regis Franciæ Legatum, qui ingentem auri  
 summam in auxilium Principi deserat; il-  
 lum dubio procul intrâsse nunc *Coesfel-*  
*diam*, exceptumque esse. Ea quòque re-  
 sponsio consternationem auxit; dùmque  
 Civitas in sui pariter exitium Franciæ vires  
 conspirare obstupescit, unâ cuneus fuit ma-  
 turatæ assensionis.

Post triduum, nec enim spatium majus 71.  
 indulserat Præsul, redeuntibus *Coesfeldiam* *Civitas*  
 Monasteriensium Delegatis, *Nottelena* Principi  
 (pagus est medio in itinere) jussu Principis *se dedit.*  
*Wiedenbruckius* & *Ravinus* Consiliarij oc-  
 currunt, ut si necdum postulatis suis plenè  
 satisfecisset Civitas, rejecti Monasterium,  
 redire *Coesfeldiam* prohiberentur. Nam  
 hætenùs Legationis Cæsareæ ignarus Civis  
 erat, & eâ Præsul dexteritate sustentabat  
 animos



1661.

516 CHRISTOPH. BERNARD.

animos Legatorum, ut nec ipsi factæ potestatis copiam facerent Civitati. Sed rebus ex Principis voto succedentibus postero die venire Coesfeldiam permissi sunt. In ejs enim postulata ferè omnia descensum fuit, de modo tantùm & amnestiâ adhuc laborabatur. Sed continuatis per dies sequentes tractatibus, interpositione Legatorum hæc præcipuè capita conventum est.

*Deditio-  
nis capi-  
ta.*

Principi submittantur claves portarum. Eius arbitrio præsidium excipiant Civitas, cuius stipendia ex publico Patriarario, hospitia verò Civitatis sumptu curentur. Medietas collecta molaria (*Multerstewr* vocant) sit Principis; hæc autem convento pretio redimere liberum olim Civitati. *Judicatus sendenz* (jus illi hic dicere sueverant Monasterienses) Principi transcribatur; & loco centies mille dalerorum Imperialium exsolvat Civitas quadragies quinquies mille: ita quidem, ut triginta septem millia expeditis *chi-rographis*, octies verò mille præsentè pecuniâ numerentur. Partitio fiat juxta exemplar Principis jussu conceptum. *Amnestia*, seu potius, abolitio sit quidem generalis, sed pauci excipiantur, horum in primis tumultuum auctores, quibus nulla tamen capitis pœna, sed spectatâ delicti qualitate multatio extra ordinem irretgetur. Quæ porro de politico regimine, de  
privi-



privilegiorum usu, deque antiquandis fœderibus sancita sunt, instrumenta duo, quorum alterum Princeps, alterum Civitas, quæ sequitur formâ linguâ tamen vernaculâ, confecit, satiùs testabuntur.

Nos Consules, ac Senatores, nec non Tribuni-Plebs, tribuum Magistri, & universus populus Monasteriensis per presentes notum facimus & attestamus. Cum gravem Celsissimi & Reverendissimi Principis ac Domini Domini Christophori Bernardi Episcopi Monasteriensis, S. R. Imperij Principis, Burggravi Strombergensis & Dynasta in Borculo, clementissimi Principis & Heri nostri offensionem incurrimus; quod exterorum Magnatum & speciatim Confœderatarum Belgij Provinciarum, protectionem & opem, prætextu Hanseaticæ societatis, tum litteris tum Legationibus sollicitare, usq; arctiori fœderis nexu obligare nos moliti, ac plurimum insuper erratorum incusati simus: Et eapropter Celsitudo sua tam sui, quam auxiliaribus sacra Casarea Majestatis, aliorumq; Electorum ac Principum copiis, Civitatem & Nos in nonum usq; mensem ita anguste cinxit, strinxitq; ut viam delegerimus, vero submissionis obsequio, in Celsitudinis suæ ceu Principis & superioris nostri gratiam redeundi. Et quoniam ex continuatis hucusq; tractati-

72.  
Instru-  
mentum  
Submis-  
sionis.

bus,